



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU  
GODIŠNJEG FINANSIJSKOG IZVJEŠTAJA ZA 2005. GODINU  
**REPUBLIKANSKA STRANKA BIH**

Broj:09-07-6-689/06  
Sarajevo, 26.07. 2007. godine

## SADRŽAJ :

MIŠLJENJE REVIZORA .....	2
1. UVOD .....	3
2. PREDSTAVLJANJE POLITIČKE STRANKE .....	3
3. OPIS PREGLEDA I KANCELARIJSKE REVIZIJE .....	4
Predmet kancelarijske revizije .....	4
Cilj kancelarijske revizije .....	4
Obim kancelarijske revizije .....	4
4. PREDHODNE REVIZIJE .....	4
5. NALAZI KANCELARIJSKE REVIZIJE I PREPORUKE .....	4
5.1. NALAZI .....	4
5.2. PREPORUKE .....	4

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Republikanske stranke BiH** za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- Stranka nije ispoštovala odredbe člana 11. stav 3. Zakona o finansiranju političkih stranaka, na način da godišnji finansijski izvještaj za 2005. godinu, nije sačinila u propisanoj formi i na obrascima utvrđenim Pravilnikom o godišnjim finansijskim izvještajima političkih stranaka.

**Na osnovu našeg pregleda, odnosno revizije finansijskog izvještaja, osim gore navedenog nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti reviziju u prostorijama stranke po članu 14. stav 7. Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Republikanske stranke Bosne i Hercegovine za 2005.godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Republikanska stranka BiH iskazala je prihode u iznosu od 12.468,99 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	185,00	1,50 %
2	Prilozi fizičkih lica	3.005,00	24,10 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	9.276,40	74,40 %
8	Ostali prihodi	2,59	0,00 %
	<b>Ukupni prihodi:</b>	<b>12.468,99</b>	<b>100,00%</b>

U godišnjem finansijskom izvještaju Republikanska stranka BiH je iskazala ukupne rashode u iznosu od 20.058,03 KM.

## 2. PREDSTAVLJANJE POLITIČKE STRANKE

Naziv političke stranke: Republikanska stranka Bosne i Hercegovine.

Skraćeni naziv političke stranke je : RS BiH

Republikanska stranka BiH je registrovana 20.06.1994.godine, kod Višeg suda u Sarajevu pod brojem R-I-2/94.

Sjedište političke stranke je u Sarajevu, ulica Titova 9-a.

Prema podacima Izvoda iz registra Općinskog suda u Sarajevu, Broj: RF-1251/06 od 16.05.2006.godine, ovlašteno lice je gospodin : Mladen Potočnik.

Lice ovlašteno za podnošenje finansijskih izvještaja za 2005. godinu je Javorka Reic.

Prema podacima iz finansijskog izvještaja za 2005. godinu Republikanska stranka BiH nema organizacione dijelove nižeg nivoa organizovanja.

### 3. OPIS PREGLEDA I KANCELARIJSKE REVIZIJE

**Predmet kancelarijske revizije je** godišnji finansijski izvještaj Republikanske stranke BiH za 2005. godinu .

**Cilj kancelarijske revizije** je da revizor na bazi finansijskog izvještaja pokuša da ustanovi da li je Republikanska stranka BiH u izvještajnom periodu postupila u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim kancelarijske revizije** finansijskih izvještaja Republikanska stranka BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica, prihode od imovine.

### 4. PRETHODNE REVIZIJE

Nije vršena revizija finansijskih izvještaja.

### 5. NALAZI KANCELARIJSKE REVIZIJE I PREPORUKE

#### 5.1. NALAZI

Republikanska stranka BiH nije ispoštovala odredbe člana 11. stav 3. Zakona o finansiranju političkih stranaka. Godišnji finansijski izvještaj za 2005. godinu, nije sačinila u propisanoj formi i na obrascima utvrđenim Pravilnikom o godišnjim finansijskim izvještajima političkih stranaka.

#### 5.2. PREPORUKE

*Na osnovu uočenih nedostataka Republikanskoj stranci BiH se preporučuje :*

- *Stranka mora podnositi finansijske izvještaje u skladu sa članom 11. stav 3. Zakona o finansiranju političkih stranaka<sup>1</sup>*
  - *finansijski izvještaj treba biti sačinjen u formi propisanoj Pravilnikom o godišnjim finansijskim izvještajima političkih stranaka i sadržavati sve propisane podatke.*

Gušić Hasida, šef Službe

Andan Nevenko, revizor

---

<sup>1</sup> Do 31.03. naredne godine političke partije podnose finansijski izvještaj u formi koju odobri Centralna izborna komisija Bosne i Hercegovine. Centralna izborna komisija Bosne i Hercegovine donosi propise za provodjenje odredbi kojima se bliže utvrđuje sadržaj, forma, način i drugi detalji izvještavanja.

